

А Ж Р И М

(жазодан муддатидан илгари шартли озод қилиш тўғрисида)

2025 йил март ойининг 6 куни жиноят ишлари бўйича Наманган шаҳар суди, суд биносида, очиқ суд мажлисида, шаҳар судининг судьяси М.Маматбаеванинг раислигида, судья ёрдамчиси А.Набижановнинг котиблигида, Наманган шаҳар прокурорининг катта ёрдамчиси А.Абдумажидовнинг иштирокида, Янги Наманган туман Пробация хизмати инспектори Э.Хакимов ва маҳкум Б.Икрамовнинг қатнашувида, маҳкум Икрамов Ботир Банно ўғлини ўталмай қолган озодликни чеклаш жазосидан муддатидан илгари шартли озод қилиш тўғрисидаги 1-3-1601-2505/45-сонли тақдимномаси ва унга илова қилинган хужжатларни кўриб чиқиб, қуйидагиларни

А Н И Қ Л А Д И

Маҳкум Икрамов Ботир Банно ўғли, 17.10.1993 йилда Наманган шаҳрида туғилган, ўзбек, Ўзбекистон фуқароси, маълумоти ўрта, оилали, 3 нафар фарзанди бор, Янги Наманган тумани, “Фурқат” МФЙ, Ғайрат кўчаси, 11-уйда яшайди, муқаддам ЖИБ Тўрақўрғон туман судининг 13.02.2022 йилдаги ҳукмига кўра, ЖКнинг 25,168-моддаси 1-қисми ва 28,211-моддаси 1-қисми билан айбдор деб топилиб, 2 йил маддатга озодликни чеклаш жазоси тайинланган, ўталган жазоси 11 ой 16 кун ташкил қилади, ўталмай қолган муддати 1 йил 1 ой 14 кунни ташкил қилади.

Тақдимномада, маҳкум Б.Икрамовга нисбатан чиқарилган суд ҳукми Янги Наманган туман ИИБ ЖХХ Пробация хизматида 18.03.2024 йилда ҳисобга олиниб, жазони ҳалол ўтаб келаётгани, жазони ўташ тартиб-қоидаларига тўлиқ риоя қилаётгани, жазони ўташ даврида қайта жиноят содир этмагани, маъмурий ва интизомий жавобгарликка тортилмагани, жазодан ўзига тегишли хулоса чиқариб, қатъий тузалиш йўлига ўтгани, доимий равишда бўлим ва профилактика инспекторлари назоратида бўлгани, яшаш жойидан ижобий тавсифлангани, ўталмай қолган жазоси 1 йил 1 ой 14 кунни ташкил этиши баён қилиниб, жазонинг ўталмай қолган қисмидан Ўзбекистон Республикаси Жиноят кодексининг 73-моддаси 3-қисми “а” бандига асосан муддатидан илгари шартли озод қилиш сўралган.

Ўзбекистон Республикаси Жиноят кодексининг 73-моддасида “Озодликдан маҳрум қилиш, интизомий қисмга жўнатиш, хизмат бўйича чеклаш, озодликни чеклаш ёки озодликни чеклашга ҳукм қилинган шахсларга нисбатан жазони ўташдан муддатидан илгари шартли озод қилиш қўлланилиши мумкин.

Жазони ўташдан муддатидан илгари шартли озод қилиш ушбу модданинг биринчи қисмида кўрсатилган жазо турлари учун ўрнатилган тартиб-қоида талабларини бажарган ва меҳнатга ҳалол муносабатда бўлган маҳкумга нисбатан қўлланилади.

Жазони ўташдан муддатидан илгари шартли озод қилиш маҳкум:

а) ижтимоий хавфи катта бўлмаган ёки унча оғир бўлмаган жинояти учун суд тайинлаган жазо муддатининг камида учдан бир қисмини ҳақиқатда ўтаб бўлганидан кейин қўлланилиши мумкин” деб кўрсатилган.



Суд, тақдимнома ва унга илова қилинган ҳужжатлар билан танишиб чиқиб, очиқ суд мажлисида прокурор ва Пробацяя хизмати инспекторининг фикрларини, маҳқум Б.Икрамов нинг кўрсатувини тинглаб, маҳқума Б.Икрамов жазони ўташ даврида ўрнатилган тартиб-қоидаларга тўлиқ риоя қилгани, Жиноят кодексининг 73-моддаси 3-қисми “а” бандида белгиланганидек тайинланган жазонинг учдан бир қисмини амалда ўтагани, жазони ўташ даврида қайта жиноят содир этмагани, маъмурий ва интизомий жавобгарликка тортилмагани, жазодан ўзига тегишли хулоса чиқариб, қатъий тузалиш йўлига ўтгани ва шахси ижобий тавсифланганлигини инобатга олиб, тақдимномани қаноатлантиришни, маҳқум Б.Икрамов ни ўталмай қолган жазосидан муддатидан илгари шартли озод қилишни лозим топди.

Юқоридагиларга кўра суд, Ўзбекистон Республикаси Жиноят-процессуал кодексининг 423 ва 536-моддалари ҳамда Ўзбекистон Республикаси Жиноят кодексининг 73-моддаси 3-қисми “а” бандини қўллаб,

АЖРИМ ҚИЛАДИ

Янги Наманган туман ИИБ бошлиғи томонидан киритилган тақдимнома қаноатлантирилсин.

Маҳқум Икрамов Ботир Банно ўғли ўталмай қолган 1 йил 1 ой 14 кун озодликни чеклаш жазосидан Ўзбекистон Республикаси Жиноят кодексининг 73-моддаси 3-қисми “а” бандига асосан муддатидан илгари шартли озод қилинсин.

Маҳқум Б.Икрамовга жазони ўташдан муддатидан илгари шартли озод қилиниб, жазонинг ўталмай қолган қисми мобайнида қасддан янги жиноят содир этган тақдирда унга нисбатан суд томонидан Жиноят кодексининг 60-моддасида назарда тутилган қоидаларга мувофиқ жазо тайинланиши тушунтирилсин.

Ажрим нусхаси ижро учун Янги Наманган туман ИИБга ва маълумот учун Наманган вилоят ИИБ Ахборот марказига юборилсин.

Ажримдан норози томонлар шу суд орқали Наманган вилоят судига кассация тартибида шикоят бериши ёки хусусий протест билдириши мумкин.

Раислик қилувчи

М.Маматбаева

